

Ī yu'xarij ti anaquéej jo'yú'xaca' a'íjna i San Pablo a'íimaj jimi i maj Tesalónica jo'cháatima'caa

Pablo pu hua'tyojtye'

¹ Nyáaj i nyáaj Pablo pué'een, a'íjna i Silvano ajta a'íjna i Timoteo, a'yaa tu já'muatyoytye' mua'ajmaj mu siaj Tesalónica ja'chej, i siaj siajta tyá'tzaahuatyé' i Dios jimi, siajta jimí tyámua' tyí'tyesejre' i tavástara' a'íjna i Jesús ti ajta Ciriístu' pué'een. Che' i Dios tyámua' tyajamuáacha'íin ajta jamuaatyápua'ritye'en ja'mua tzajta'.

Pablo pu jéehua tyé'tyojtzi're' i Dios

² A'náj tina'aj tu tyé'tyojtzi're' i Dios ja'mua jime', tyajta jamua'tamuá're'rii tyati'ijta' jahuocaj i Dios jimi. ³ A'náj tina'aj tu ja'tamuá're'rii je'ej ti jéehua i Dios tyámua' jamuáaruuj a'íjna jime' i siaj jitzán tyá'tzaahuatyé', siajta jéehua tyí'muarie' a'íjna jime' siaj jaxie've' siaj séecan huatyáhuire'en i Dios jimi, jéehua xu tyé'viicue' a'íjna jime' siaj jacho've' i tavástara' a'íjna i Jesús ti ajta Ciriístu' pué'een, a'íjna jitze ma'can i Dios. ⁴ Nye'ihuáamua' i nyaj jéehua já'muaxie've' i Dios jitze ma'can, tyámua'reej ti i Dios jamua'antyíhuoo. ⁵ Ji'nye tyati'ij jamuáa'ixaa

i nyúucaria'ra' i Dios, catu a'yaa tyana'aj tyajamuáa'ixaa, sulu a'yaa tu tyajta huaríj je'ej ti tyé'ijta i júuricama'ra' i Dios tyajta a'íjna jime' i ti jin néijmi'i putyí'uurej, jéehua tu a'íjna jin tyé'tyojtzi're'. Tyámua' xu mua'aj tyá'mua'reej je'ej tyaj huaríj tyej tyij mua'ajmaj tyámua' jamuáa'uurej.

⁶ Siajta mua'aj, a'yaa xu huaríj je'ej tyaj tyajamuáa'ixaa, siajta a'yájna je'ej ti tyé'ijta i tavástara', siajta jáanamujri' i nyúucarij xuutyámua've'ej a'yájna je'ej ti tyajamuata' i júuricama'ra' i Dios a'íjna jime' i nyaj jin jajpuéjtzij. ⁷ A'íj xu tyámua' tyihuo'tá' a'íjma i maj tyá'tzaahuatye' i Macedonia maj já'ma'can, siajta i Acaya maj já'ma'can. ⁸ Capu a'áa na'aj já'namuajre' je'ej siaj mua'aj ricij, sulu néijmi'que' pu namuajre' je'ej siaj mua'aj ricij a'íjna jime' i nyúucaria'ra' i tavástara', a'yaa mu tyá'mua'reej siaj mua'aj ja'astej i nyúucaria'ra' i Dios, a'íj pu jin quee che' juxie've' tyaj ityáj tyihua'ixaatye'ej ja'mua jime'. ⁹ A'íi mu jujímua'aj jaataxájtaca' je'ej tyaj huaríj tyati'ij a'áa ja'rá'aj, ajta je'ej siaj mua'aj metyihuohuá'xij i sánturij siaj sij a'íj huatyáhuire'en i ti ji'ré'can jime' Dios pué'een ¹⁰ siajta a'yan tye'ejchó've'ej ti ajtáhua'aj ya'uvé'nyej i tavástara' i ti yójra' pué'een i Dios, i ti ajta jaatájuurityej. A'íjna i Jesús a'íi pu a'íin pué'een i ti ti'rátoosij ti'ij quee puéjtzij táaci'tyij.

2

Pablo pu jaxaj je'ej ti tyí'muarie' a'ájna a

Tesalónica

1 Siajta mua'aj nye'ihuáamua', tyámua' xu tyá'mua'reej tyaj quee huáapua'aj tyana'aj jamojo'vá'muaariaca'. 2 Ajta a'yájna siati'ij seríj siajta tyá'mua'reej, anaquéej mu je'ej pua'aj táaruuj a'íimaj i Filipos maj ja'chej, Dios pu taatáhuü tyej tyij mua'ajmaj jamuaaté'exaatye'en i nyúucaria'ra', ajta ca'nyíjra'aj taatá' tyej tyij ca'nyíin jin huatyényo'se'en. 3 Ji'nye catu hue'tzij jin tyajamuáa'ixaa, catu tyajta a'íjna jime' tyej tyij je'ej pua'aj jamuáa'uurej, nusu tyej tyij tyi'tíj jin jamuáacuanamuaj. 4 Ajta ityájma, Dios pu ta'antyíhuo ajta taata'íj tyej tyij huó'ixaatye'en i nyúucaria'ra', a'íj tutyij jin tyajá'mua'ixaatye'. Catu a'yan tyá'huoo tyej tyij tyámua' tyihuo'tá'an i tyeítsee, sulu tyej tyij tyámua' tyaatá'an i Dios, i ti jamua'reej je'ej tyaj tyi'mua'tzej i tatzájta'. 5 A'yájna siati'ij mua'aj seríj tyá'mua'reej tyej quee a'náj nyúucarij jin tyajamuáa'ixaa ti naa huánamuajrii, catu tyajta a'yan tyá'huoo tyej tyij a'íjna jin tyi'tíj ancuriáan. Dios pu jamua'reej tyaj tzáahuatyí'ra'aj jin a'yan ricij. 6 Catu tyajta jahuoo mej mij séecan naa tojo'sejra, tipua'aj mua'ajmaj jimi nusu séecan jimi. 7 Tyij quee i'ríitacaj tyaj a'yan huárinyiiche' a'íjna jime' ti i Ciríistu' ta'antyíhuo, ajta ityáj catu a'yan huaríj, sulu tyámua' tu tyajamuáacha'ij. A'yájna ti'ij i hua' náanaj i ti'riij tyámua' tyihua'cha'ij i juyójmua', 8 a'yaa tu jéehua tyaja'muaxie've' mua'ajmaj, capu a'yaa na'aj tyita'ránajchaca' tyaj a'íj jamuaaté'exaatye'en i nyúucaria'ra' i

Dios, sulu tyej tyajta huá'cui'nyij ja'mua jitze ma'can. A'yaa tu jéehua tyaja'muaxie've'.
 9 Ta'ihuáamua', mua'aj xu jamua'reej tyaj jéehua tyu'muáriej, tyajta jaapuéjtzitariaca'. Jéehua tu tyu'muáriej tújca tyajta tíca', tyej tyij quee a'tíj huatamuárie'riste'en tyatí'ij já'mua'ixaatya'ca'aj i nyúucaria'ra' i Dios.

10 Mua'aj xu tyámua' naa tyá'mua'reej, a'yájna tí'ij ajta i Dios tyá'mua'reej, tyej tyámua' naa tyi'tyítacha'íij ja'mua jimi mu siaj tyá'tzaahuatye', catu a'tíj je'ej pu'a'aj huáruuj, catu tyajta tyi'tíj jin ootyá'itzee. 11 A'yaa xu siajta tyá'mua'reej tyaj jéehua ca'nyíjra'aj jamuaatá' tyajta tyámua' tyajamuaetyéeje séej tyajta séej, a'yájna tí'ij tyihuá'itíij i hua' táataj i juyójmua'. 12 A'yaa tu tyajta tyajamuaa'íjca siaj sij tyámua' tyityetyúucha'íij a'yájna matí'ij i maj i Dios jimi séejre', ji'nye a'íi pu a'íin pué'een i ti jamuaatajé, siaj sij a'áa ja'rá'astij jo'tij a'íin tyejé'íjtaj.

13 A'íj tu jin ityáj a'náj tina'aj tyé'tyojtzi're' i Dios, ji'nye siatí'ij mua'aj jáanamujri' i nyúucaria'ra' i Dios, i tyaj jamuáa'ixaa, a'yaa xu tya'ancuriáa' tí'ij Dios nyuucaaaj, caxu a'yan tya'ancuriáa' tí'ij i tyétyacaa nyuucaaaj. A'yaa pu tyi'ja'yájna tí nyúucaria'ra' pué'een i Dios, a'íi pu tyámua' jamuáaruuj i ja'mua tzajta' mu siaj tyá'tzaahuatye'. 14 Siatí'ij mua'aj ta'ihuáamua' jaapuéjtzitariaca' i ja'muatye'ítyeristyamua' jimi, a'yaa pu cha'tána'aj tyihuó'ruuj a'íijma i maj Judea jo'cháatimee, i maj majta jusi'rii u tyeyúuj tzajta' mej mij jaatyáanajche i Dios, i maj majta i Ciríistu' jitze ajtyáma'can, ji'nye a'íi

mu majta jajpuéjtzica'aj a'íjma jimi i juxa'aj tyeítyee i maj Judea já'ma'can. ¹⁵ A'íi mu a'íin pué'een i maj jaajé'caj i tavástara' ti ajta Jesús pué'een, a'yájna mati'ij majta tyihuo'cuii a'íjma i maj Dios jitze ma'can tyí'xajta'aj, a'íi mu majta taatamuárij ityájma. Camu tyé'tyojtzire' i Dios, majta mu hua'ajcha'íire' néijmi'caa i tyeítyee, ¹⁶ ji'nye tyati'ijta' tyihuá'ixaatya'mui'ij a'íimaj i maj quee Israel jitze ajtyáma'can, ti'ij ajta huó'huíire'en, camu a'íimaj tatá'caa tyaj a'yan huárinyij. A'yaa mu mij tyá'mue'tij ti i Dios jéehua puéjtzij huo'tá'an. Ajta ta'aj ij huatyáapua'rej a'íjna, Dios pu arí jéehua puéjtzij huo'ta'.

Pablo pu jaxie've' ti ajtáhua'aj huojo'vá'muaarej i Tesalónica maj ja'chej

¹⁷ Ta'ihuáamua', tyati'ij ajtacij ja'mua jimi, catu majamuuhuá'xij, tyij tyajta quee já'muasejraca'aj, a'náj tina'aj tu mua'ajmaj jitze tyí'mua'ajcaa, tyajta a'yan jéehua tyá'xie'va'ca'aj tyaj jamojo'tyéesej. ¹⁸ A'yaa tu tyu'tatyésej tyaj a'áa ja'tanyéj, nyajta nyáaj Pablo mue'tij nu a'yan tyá'xie'va'ca'aj nyaj a'áa ja'tanyéj, ajta i tyiyáaru' pu tyi'tyánaamuaaj. ¹⁹ Ji'nye, ¿a'tanyíj a'íin pué'een i tyaj jin tyi'ijchó've', i tyaj jin tatyamua've', ajta i tyaj jin á'tatzaahuatye'en a'ájna xicáara' jitze ti'ij uvé'nyej i tavástara' ti ajta Jesús pué'een? Típua'aj sequée mua'aj a'íin pué'eenye', capu máaj a'tíj a'íin pue'eenye'ej ta'mej. ²⁰ A'yaa pu tyi'ja'yájna, mua'aj xu a'íin pué'een i tyaj jin á'tatzaahuatye' siajta i tyaj jin tatyamua've'.

3

1 Aj tutyij tyati'ij quee che' je'ej huaríj, a'yaa tu tyaaxá'puí'intarej tyaj tajímua'aj a'áa jo'tyá'itzeere'en a'ájna a Atenas ² tyajta je'en a'íj huata'ítyaca' i ta'ihuáara' Timoteo i ti tajamuán tyí'muarie' i Dios jimi, tyej tyij huo'té'exaatye'en i nyúucaria'ra' i Ciríistu', a'yaa tu een jime' jaata'ítyaca' ja'mua jimi ti'ij ca'nyíjra'aj jamuaata'an a'íjna jitze i siaj jitzán tyá'tzaahuatye', ³ ajta ti'ij quee huatóoxaahuataj a'íjna jime' i sij jin jajpuéetzij. Ji'nye mua'aj xu a'yan tyá'mua'reej ti a'yan tyúuxie've' siaj a'yan tyaapuéjtzitarej. ⁴ Ajta, tyati'ij tyooj a'áa jo'tyá'caj ja'mua jamuán, a'yaa tu tyajamuáa'ixaa tyaj a'yan tya'ajpuéetzij ta'me'nyíiche', a'yaa pu'ij tyu'ríj, siati'ij seríj tyá'mua'reej. ⁵ A'íj nu jin, nyati'ij quee che' pu jáaruuj nyaj a'áa ja'tanyéj, a'yaa nu tyu'ta'íjtaca' mej mij tyajamuata'íhuo' nyej nyij jáamua'reej je'ej ti tyajá'muahuíria'ca'aj a'íjna jime' i siaj jitzán tyá'tzaahuatye', ji'nye a'yaa nu tyí'tziinya'ca'aj ti i tyiyáaru' tyi'tíj jin jamuaatamuárie'riste'en siaj sij quee che' tyá'tzaahuatye'ej ajta ti'ij quee che' tyi'tíj huíria'aj já'ra'nyij i tyaj jin tyu'muáriej ja'mua jimi.

⁶ Ajta i Timoteo pu'ríj yará'aj a'áa ti ja'rájraa ja'mua jimi, a'yaa pu tyitaaté'exaaj siaj tyámua' een a'íjna i siaj jitzán tyá'tzaahuatye' ajta je'ej siaj tyihuá'xie've' i séecan. A'yaa pu tyitaaté'exaaj siaj jéehua ta'tamuá're'rii, siajta jéehua jaxie've' siaj taaséj, a'yájna

tyati'ij tyajta ityáj tyá'xie've' tyaj jamuaaséj.
⁷ A'íj tu jin, ta'ihuáamua', tyij ajta jéehua tyí'tatyesi'huaritye' tyajta taxaamuijritye', jéehua tu huátatyamua'vej tyati'ij jáamua'reeri' siaj siooj tyámua' naa tyá'tzaahuatye'. ⁸ Tyati'ij a'yan tyámua'reeri' siaj siooj tyá'tzaahuatye' i tavástara' jimi, jéehua pu ca'nyíjra'aj taatá' i tatzájta'. ⁹ ¿Ji'nye tyí'rij tyej tyij jéehua tyaatatyójtzi're'en i Dios a'íjna jime' i tyaj jin tatyamua've' jimi, mua'ajmaj jime'? ¹⁰ Tújca tyajta tíca' a'yaa tu tyá'huaviij i Dios ti taatá'an tyej tyij tyajtáhua'aj jamuaaséj, tyajta jamuaatáhuire'en tyaj janéijmi're'en i ti jamuá'itziitye' i siaj jin tyá'tzaahuatye'.

¹¹ A'yaa tu jéehua tyá'xie've' ti i Dios i tyaj jajvástara', ajta a'íjna i tavástara' i Jesús, maj a'ín taatáhuire'en tyej tyij a'áa ja'tanyéj ja'mua jimi. ¹² Che' ajta i tavástara' jamuáave'sij siaj sij jéehua huóoxie've'en séej siajta séej, siajta huo'xié've'en néijmi'caa i tyeityee, a'yájna tyati'ij ityáj tyaja'muaxie've'. ¹³ Ti ajta tyámua' jamuáa'uurej i já'muatzajta', siaj sij quee tyi'tíj jin á'itzeeria'aj i Dios jimi i tyaj jajvástara' a'ájna ti'ij uvé'nyej i tavástara' i Jesús, jamuán i maj tyí'huire' u tajapuá. Che' a'yan tyá'ra'nyij.

4

I júuricamej ti ja'ránajchi i Dios

¹ Ajta ijíj ta'ihuáamua', a'yaa tu tyaja'muahuaviij tyajta a'yan tyajá'mua'ijcatye' a'íjna jitze ma'can i tavástara' Jesús, siaj a'náj tina'aj tyámua' eenye' siajta tyámua'

tyityetyúucha'iiĵ a'yájna siati'ij tyaari'reĵ ityájma ĵimi, siaĵ siĵ tyaatatyójtzi're'en ĩ Dios, a'yájna siati'ij seríĵ ricij.

² Mua'aj xu'ríĵ ĵamua'reej je'eĵ tyaj tyajamuáa'ixaa ĵitzán ma'can ĩ tĩ ĵin tyi'tyéĵvee ĩ tavástara' Jesús. ³ A'yaa pu ĩ Dios tyá'xie've' siaĵ tyámua' eenye', tiquee a'tíĵ ĵuxana'ciria'aj ⁴ a'yaa pu tyúuxie've' tĩ síĵ ajta síĵ tyámua' tyéecha'ĵin ĩ ĵutyévij, tĩ'ij tzáahuatyira'aj ĵin séĵre'eĵ, ⁵ tiquee a'yan riĵcaĵ je'eĵ tĩ ĵusíĵ tyá'xie've' tyi'tíĵ ĵime' tĩ quee xá'pui', a'yájna mati'ij ricij ĩ tyeítýee ĩ maj quee ĵamua'tyeĵ ĩ Dios. ⁶ Che' quee a'tíĵ tyi'tíĵ ĵin a'yan riĵcaĵ, ajta quee ĵuxana'ciria'aj ĵamuán ĵira'ra'an ĩ ĵuxa'aj tyévij, ĵi'nye tavástara' pu jéehua puéĵtzij ĵaatá'sij a'tíĵ tĩ a'yan ricij, a'yaa tu tyeríĵ tyeemí' tyajamuáa'ixaa. ⁷ Ĵi'nye capu ĩ Dios a'ĵna taataĵé tyeĵ tyij je'eĵ pua'aj éenye'que' séĵre'eĵ, sulu tyeĵ tyij ĵi're'nye'eĵ séĵre'eĵ ĩ tatzájta'. ⁸ A'yaa pu'ij, a'ĵna ĩ tiquee tyá'tzaahuatye' je'eĵ tyaj tyajámua'ixaatye', capu a'ĵ ma'úuhua'xij ĩ huá'nyuucaa ĩ tyétyacaa, sulu a'ĵ pu quee á'tzaahuatye' ĩ Dios ĩ tĩ ĵu ĵúuricameĵ ĵamuaatá' tĩ'ij ĵa'mua tzajta' séĵre'eĵ.

⁹ Ajta a'ĵna ĵime' ĩ siaĵ ĵin huóoxie've'en ĩ siaĵ ĵu'ihuáamua', capu ĵuxie've' tyaj a'ĵna ĵin tyajámua'yeĵ je'eĵ siaĵ tyityahuóoxie've'en séĵ ĵamuán siaĵta séĵ. ¹⁰ A'yaa xu mua'aj ricij a'ĵna ĵime' siaĵ hua'xie've' ĩ ĵu'ihuáamua' ĩ maj a'áa ĵo'cháatimee néĵmi'que' a'áa tĩ huaca'aj a Macedonia. Tyajta ityáj, a'yaa

tu tyaja'muahuavij ta'ihuáamua' siaj jéetze' huóoxie've'en. ¹¹ Siata'aj juxáahuaj naa tyí'tyechajcaj setyi'muárie'ej i jumuáca' jime' je'ej ti tyi'tíj tyaací'ij séej ajta séej, a'yájna tyati'ij tyeríj tyajamuaa'íjca, ¹² mej mij i maj quee tyá'tzaahuatye' jamuaatyátzaahuatye'en, ajta ti'ij quee tyi'tíj jamuá'itziitye'ej.

Tí'ij uvé'nyej i tavástara'

¹³ Ta'ihuáamua', catu jaxie've' siaj quee jamua'reérej je'ej ti tye'mej a'íimaj jimi i maj meríj huácuij, siata'aj quee juxaamuíjritya'aj mati'ij i séecan, i maj quee jacho've' i tavástara'.

¹⁴ A'yájna tyati'ij tyá'tzaahuatye' ti i Jesús huamuí' ajta je'en huatájuuriaca', a'yaa tutyij tyajta tyá'tzaahuatye', ti i Dios huo'tájuuritye'ej i Jesús jamuán a'íijma i maj huácuij jimi metya'tzáahuatye'ej.

¹⁵ A'íj tu jin a'yan tyajá'mua'ixaatye' i tavástara' jitze ma'can tíjin, ityáj i tyaj júurij a'yan huatyá'itzeere'ej íyan i cháanacaj japua, catu anáatya'aj tá'ju'un a'íijma jimi i maj meríj huácuij. ¹⁶ Ji'nye nyúucarij pu huatánamuajre ti'ij tyu'ta'íjtaj, a'yaa pu ajta tyu'tánamuajrej ti'ij a'tíj ti ca'nyíin tyu'táci'sitye'en a'ájna jo'tíj i Dios já'sejre', aj pu'ij i tavástara' aje'cányesij a jútye'. Majta i maj huácuij metya'tzáahuatye'ej i Ciríistu' jimi, a'íi mu anaquéej huatájuuritaj, ¹⁷ tyajta je'en ityáj, i tyaj júurij a'yan séejre' i cháanacaj japua, a'íi pu ajta tá'vi'tin i jéetirij tzajta' hua' jamuán i maj moochán huatájuuriaca', tyej tyij ja'antynájchej i tavástara' i jéetirij tzajta', a'yaa tutyij jusén

jìn tyeje'séeria'aj tá'ju'un i tavástara' jamuán.
 18 A'íj xu jìn, siata'aj ca'nyíjra'aj huatóoa'an
 a'íjna jime' i nyúucarij i nyaj jamuáa'ixaa.

5

1 Ajta a'íjna jime' a'tzáaj ti uvé'nyesij
 i tavástara' nusu a'náj ti huataséjre'sij,
 ta'ihuámua', capu juxie've' tyaj a'íjna jìn
 tyajá'muayu'se'ej. 2 Tyámua' xu mua'aj naa
 tyá'mua'reej ti a'ájna xicáara' ti jitzán uvé'nyesij
 i tavástara', a'áa pu a'yan tye'mej siati'ij
 pua'aj quee jacho've', a'yaa pu tyu'taséjre'sij
 ti'ij náhua'rij ti utyárutyij tíca' jo'siaj ja'chej.
 3 Mati'ij i tyeítýee a'yan tyí'xajtaj tìjìn: “Capu
 che' tyí'tíj je'ej ricij, pu'ríj tyu'puá'riaajraa”, aj
 pu'ij a'ájna atyojo're'nyesij i xicáara' maj jitzán
 antyipua'rij, a'yájna ti'ij íitaj ti ootacu'nyej,
 capu huatái'riitarij maj huatóo'uunaj. 4 Siajta
 mua'aj, ta'ihuámua', caxu tíca'riste' séejre',
 a'íj pu jìn quee a'yan tye'mej ja'mua jimi ti'ij
 náhua'rij ti utyájrutyey jo'siaj ja'chej, a'ájna
 xicáara' jitze ti'ij tavástara' uvé'nyej. 5 Néijmi'i
 xu mua'aj a'íjma jimi ajtyáma'can i maj a'áa
 já'sejre' jo'tíj jó'nyeeri'ij i Dios jimi. Catu hua'
 jitze ajtyáma'can i maj tíca'riste' jó'jujhua'an,
 nusu jo'tíj quee jó'nyeeri'ij, 6 a'íj tu jìn quee a'yan
 rinyij mati'ij i séecan i maj a'yan séejre' mati'ij
 i maj cu'tzuj, sulu tyiche' atanyéjnye'rij tyajta
 tyámua' metyityoomuámua're'ej. 7 A'íimaj
 i maj cu'tzuj, a'yaa mu tíca' tyí'tyacu'cuj,
 majta i maj juta'rujve', a'íi mu majta tíca'
 juta'rujve', 8 tyajta ityáj, nyéeri'iste' tyaj cünyej,

a'yaa pu tyúuxie've' tyaj a'náj tina'aj tyámua' eenye'. Tyiche' huátacha'iin, a'íjna jime' i tyaj jin tyá'tzaahuatye' i tavástara' jimi tyajta huátaxie've'en, tyiche' tyajta a'íjna jin avátanaj i tyaj jin jacho've' ti i Dios tii'rátóonyij. ⁹ Ji'nye capu i Dios a'íjna jin ta'antyíhuo tyej tyij jajpuéetzij tá'ra'nyij, sulu ti'ij táahuiire'en a'íjna jitze ma'can i tavástara' Jesús ti ajta Ciríistu' pué'een. ¹⁰ A'íi pu tajitzé ma'can huamuí', tyej tyij júurij tá'ra'nyij jamuán i tavástara', tipua'aj i tyaj júurij, na'ríij i maj meríj huácuuj, néijmi'i tu jimi huatyá'itzeere'ej jusén jime'. ¹¹ A'íj xu jin ca'nyíjra'aj huatóoa'an séej siajta séej, a'yájna siati'ij seríj ricij.

Je'ej maj tyityetyúucha'ij i maj tyá'tzaahuatye'

¹² Ta'ihuáamua', a'yaa tu tyaja'muahuaviiij siaj tyámua' tyihuá'ajcha'ij a'íjma i maj ja'mua jimi tyí'muarie', i maj majta a'íjna jin antyúumua'reej maj tyajamuaamuá'tyej je'ej ti tyá'xie've' i tavástara'. ¹³ A'yaa pu tyúuxie've' siaj jéehua huo'xié've'en, a'íjna jime' i maj tyí'muarie' ja'mua jimi. Tyámua' xu huojo'mua'raj séej siajta séej.

¹⁴ A'yaa tu tyajta tyajá'mua'ijcatye', ta'ihuáamua', siaj tyámua' huó'uurej a'íjma i maj quee xá'puí' ricij, siajta ca'nyíjra'aj huo'tá'an a'íjma i maj quee juca'nyej i juxiéjnyu'caa tzajta', siajta huo'táhuire'en a'íjma i maj quee tyámua' ricij, siajta néijmi'caa á'cu'vaj.

¹⁵ Tyámua' xu'uj mua'aj ti'ij quee a'tíj je'ej pua'aj ja'uurej i juxa'aj tyévij. Sulu siata'aj a'náj

tina'aj tyámua' eenye', a'yájna siati'ij jujímua'aj tyityetyúucha'ij siajta a'yan cha'taj siana'aj tyityetyúucha'ij néijmi'caa jimi i maj a'yan séejre' i cháanacaj japua.

16 A'náj tina'aj xu jutyamua've'ej. 17 Siajta a'náj tina'aj jahuocaj i Dios jimi. 18 Néijmi'i xu jin tyé'tyojtzire'ej i Dios, ji'nye a'yaa pu tyá'xie've' ja'mua jime' i siaj tyá'tzaahuatye' i Ciriístu' jimi i ti ajta Jesús pué'een.

19 Caxu já'je'cataj i júuricama'ra' i Dios. 20 Caxu jaxaahuataj a'íjna i siaj Dios jitze ma'can tyihuo'té'exaatye'en. 21 Siata'aj anaquéej tyámua' tyáamua'reej tyi'tíj ti xá'pui' nusu i tiqúee siajta je'en a'íj huatyátzaahuatye'en i ti xá'pui'. 22 Xa'ajtácñnyij a'íjna jitze i ti je'ej pua'aj een.

23 Che' a'íi cha'tána'aj i Dios, a'íjna i ti jamuaatyápua'rityej, che' a'íin tyámua' jamuáa'uurej, siaj sij quee tyi'tíj jin á'ítzeeria'aj i ja'muaxiéjnyu'caa tzajta', nusu ja'muamua'tziira'aj jitze, na'ríj i ja'muatyéviij jitze, a'ájna xicáara' jitze ti'ij uvé'nyesij i tavástara', a'íjna i Jesús ti ajta Ciriístu' pué'een.

24 A'íjna i ti a'íjna jin jamuaatajé, capu tyi'tíj jin á'ítzeere', a'íi pu ajta néijmi'i jin aróo'astej.

Hua'tyojtye' i ti jin ja'antypuá'ritye'ej

25 Ta'ihuáamua', siata'aj siajta ityájma jime' jahuocaj i Dios jimi.

26 Sياهو'tatyójtje' néijmi'caa i ta'ihuáamua'.

27 A'yaa nu tyajá'mua'ijcatye' i tavástara' jitze ma'can, siaj jo'jívve'en a'íjna i yu'xarij néijmi'caa jimi i ta'ihuáamua'.

28 Che' i tavástara' Jesús i ti ajta Ciríistu'
pué'een, che' a'íin tyámua' tyajamuáacha'íin.

**I nyúucarij ti jájcua ti a'ijna á'xaj i
Tavástara' i Jesús ti Ciríistu' pue'een ajta
Salmos
Cora, Santa Teresa: I nyúucarij ti jájcua ti a'ijna
á'xaj i Tavástara' i Jesús ti Ciríistu' pue'een ajta
Salmos New Testament+**

copyright © 2016 Wycliffe Bible Translators, Inc.

Language: Cora, Santa Teresa

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

4f03662f-a4e0-5c7c-a13b-0b7002b5b8f6